

S. VIII. 33.

Exequiarum solennitati

V I R I

*Reverendi, Clarissimi, Virtute ac Doctrinā
præstantissimi,*

**DN. FAUSTINI
BLENNONIS,**
Ecclesiastæ, Stetini ad D. Ni-
colai, meritissimi, & SS. Ministerij in
ead. urbe Senioris spectatissimi;


*Nati Stetini, Anno CHRISTI 1582. d. 8. Febru-
arij, denati ibidem d. 7. Novembr. Anni labentis
1641. ætatis sue A. 59. m. 9. communi omnium ma-
tri Terra restituendi in Templo JACOBO
sacro, d. 16. ejusdem Novembr.*

Uc

Omnes & singuli in Illustri Pædagogio Stu-
diosi Juvenes, frequentes & condolen-
tes intersint, hortatur, vacante
Rectoris loco,

*M. HEINR. KIELMANNUS, ejusd. Pad. ConR. Gr. L.
& Poes Prof.*

STETINI, Typis GEORGII GOETSCHII,
ANNO 1641.





H *TA est ingenium hominis, in presentes calamitates animo atq; oculis acerrime intuentis, ut humeris suis onera adsumpta & mala avia sufferre sibi videatur: in primis vero, cum cadaverosa mortis facies, in parentibus, liberis, conjugibus, propinquis & amicis nostris dulcissimis, velut in speculo quodam contemplanda nobis obijcitur. Hinc ille lacrymae largissima; hinc creberrima suspiria, & animi perturbationes vehementissima. Ab hoc truculento aspectu avocatur nos CHRISTUS per Verbum gratiae, convertens mentis oculorumq; nostrorum aciem ad considerationem & contemplationem vitae, sub mortis temporalis veluti larvâ latitantis: quam larvâ tragicam, ut verè dici potest, qui in firmissimâ erga CHRISTUM fiduciâ perseverantes induunt, sub specie tam horrendâ absconditam vitam unâ apprehendunt, ac vincentem mortem admirabili triumpho vincunt & ipsi. Ita fit, ut ad externi hominis iudicium & sensum moriamur; secundum verò interni rationem & censum veram vitam vivere incipiamus. Nam credentium mors, ut verbò consolationis plenis-*

simò ac jucundissimò utar, non est mors, sed odòs Inis à va-
sionis, id est, via resurrectionis. Atq; hanc resurre-
ctionis viam ante paucos quoq; dies spiritu planè exul-
tabundo ingressus est Vir Reverendus, Clarissimus
& Eruditissimus, Dn. FAUSTINUS BLENNO,
Ecclesiastes ad D. Nicolai meritisimus, & SS. Mini-
sterij in hac urbe Senior spectatissimus, quem à late-
re nostro mortis violentiâ avulsum, nobiscum multi
ejus amantissimi dolent & queruntur.

Lucem hujus mundi primulùm aspexit ó panaphte-
STETINI, Anno CHRISTI supra millesimum quin-
gesimum octogesimo secundo, d. 8. Februarij, post
horam 9. vespertinam. Pater ipsi contigit Vir Reve-
rendus, Clarissimus & Humanissimus, Dn. JOHAN-
NES BLENNO, qui partim in eadem Ecclesia Ste-
tinensi ad D. Nicolai, partim in Isingerensi, per an-
nos 50. Minister Verbi fuit fidelissimus: Mater, pie-
tatis & virtutis laude præ ceteris decorata, URSU-
LA JUSTERUS: Avus paternus, Vir Reveren-
dus, Clariss. & Eximius, Dn. M. FAUSTINUS
BLENNO, Pastor & Præpositus Ecclesiæ Pyritzen-
sis optimè meritus, qui inter Repurgatores Doctrinæ
Evangelicæ haud postremus hisce in locis fuit, atq; in-
de etiam persecutiones sustinuit gravissimas. Hi pa-
rentes filium suum ab ipsa statim pueritia, tam in pri-
vatis adibus, quàm in schola Senatoria, bene & fideli-
ter informari curarunt.

Anno

Anno CHRISTI 1596. ætatis suæ 15. missus est à cœlis in celeberrimum Borussorum Gymnasium THORUNIENSE; ubi quadriennium integrum sedulam Studijs navavit operam, simulq; linguam Polonicam ita exactè addidicit, ut non rarò in partibus & officijs quoq; Ministerialibus rectè & salutariter uti eà posset.

Anno 1600. in inclytam Academiam ARGENTORATENSEM sese contulit; ubi biennium commoratus, Clarissimorum Professorum, D. MELCHIORIS JUNII, D. HAFENREUTERI, D. NASSERI, D. PAPPI, & aliorum, operà publicà & privatà magno cum fructu usus est. Dehinc peregrinandi amore HELVETIAM, nec non superiorem & inferiorem ALSATIAM perlustravit. Mox, cursu hoc feliciter confectò, almam WITEBERGAM, luculentò à Dn. D. Pappo ornatus testimoniò, adiit; ibiq; sub Viris summis, D. HUNNIO, D. MYLIO, D. HUTTERO, D. JACOBO MARTINI &c. egregios in studio Philosophiæ & Theologiæ progressus fecit. Quin & sub institutione D. LAURENTII FABRICII eam Linguarum Orientalium, Hebraicæ præsertim & Syriacæ, notitiam sibi comparavit, ut non solum ad suum usum illas transferre, sed alios etiam dextrè informare ipsdem posset. Unde etiam tam Witebergæ, quàm postea in patria, inter alios muneris Ecclesiastici labores, Col-

legia Hebraica & Syriaca, in gratiam Studiosæ Ju-
ventutis, operam hanc ab ipso desiderantis & expe-
tentis, aperire solitus est. Exactò VViteberga quin-
quenniò, à Dn. parente p. m. sene tunc temporis im-
becilli ac debili, & annum jam ætatis 78. agente,
domum revocatus est; ibiq; dictus parens, laborum
suorum sublevandorum causâ, filium hunc, tanquam
officij socium, sibi adjunxit: cui etiam noster piè de-
functus A. C. 1607. ætatis sue 26. in eodem officio,
unanimi Dn. Patronorum consensu legitime voca-
tus, dignissimè successit. Et pater quidem annos 36,
filius verò 34, atq; ita uterq; annos 70 in eadem Ec-
clesia ad D. Nicolai SS. Ministeriò bene & laudabili-
ter functus est.

Vitam 78 uxoragis privatam & Conjugia quod spe-
ctat, Anno 1608. uxorem duxit, lectissimam & pu-
dicissimam Virginem ANNAM, Viri quondam Spe-
ctatis. & Prudentis. Dn. GEORGII MADERI,
Consulis Reipubl. Pyritzensis bene meriti, filiam dile-
ctissimam: cum qua in conjugio suavi ac tranquillo
vixit annos 13. & ex ea octo suscepit liberos, quinq;
filios, & tres filias: è quibus duo tantum filij etiam-
nũ in vivis sunt; nim. Dn. FAUSTINUS, Pastor ad D.
Gertrudis fidelissimus; & Dn. DAVID, qui vices Dn.
parentis, diuturnò morbò detenti, summa fide & indu-
striâ hætenus obiit. Hi ut diutissimè floreant & Ec-
clesia CHRISTI inserviant, animitus precamur.

Primâ

Primâ Conjuge Anno 1620. piè demortuâ, noster ò en ayois Anno sequenti 1621. alterum matrimonium inijt cum fœmina honestissima & cultissima **MARIA BUNCKEN** Viri quondam Præstantissimi & Integerrimi, Dn. **CASPARI BENTERI**, Crois & Mercatoris Neostadiensis in Silesia primarij, relicta Viduâ : cum qua etiam reciproco concordie & amoris affectu annos exegit octo, & duos genuit liberos, filium & filiam : qui ambo præmaturâ morte abrepti, apud beatos cœlites jam vivunt.

Hac altera quoq; Conjuge Anno 1629. piè defunctâ, ipse Anno 1630. tertiam uxorem duxit, castissimam & florentissimâ Virginem **ELISABETHAM**, Viri quondam Ampli. & Prudenti. Dn. **VALENTINI VVILHELMII**, Ducalis Pomeranici & Megaloburgici Quæstoris Provincialis, filiam relictam, nunc Viduam mœstissimam : cum qua sterile quidem, mutui tamen amoris & suavitatis plenum habuit conjugium annos 11. Porro salutarè illum calicem **DOMINI** per omnem vitam sæpius gustavit. Quantum enim dolorem ex obitu duarum Conjugum ac tot liberorum perceperit, illi soli intelligunt, qui similem gravissimorum casuum acerbitatem experti sunt. Quinquies, per intervalla quædam annorum, lues pestifera familiam ipsi infestavit, cladesq; miserrimas eidem attulit, ita ut ter domû suâ cedere coactus fuerit. Quid dicam de morbis varijs & multiplicib; cum
qui-

quibus toties colluctandum ei fuit? Tandem verò anno superiori, lento quodam morbo laborare cœpit, contra cujus pertinaciam cum nihil proficerent medicamenta pretiosissima, vires corporis indies paulatim absumptæ exhaustæq; sunt. Durante morbo piam patientiam sermone & opere testatus est, & crebrò cum Paulo Apostolo inter suspiria ardentissima dixit: Cupio dissolvi, & esse cum CHRISTO: & cum pio Simone: Nunc dimittis servum tuum DOMINE &c. donec proximò d. 7. Novembr. post horam 4. vesp. Creatori & Redemptori suo animam non tantum commendavit, sed etiam placidè corporis ergastulò liberatâ reddidit; ut ita eodem tempore, quo antea concione sua publicè finitâ domum redire consueverat, vitæ etiam suæ in his terris terminum consequeretur, exactis inter mortales annis 59. mensibus 9. Nunc amplexui CHRISTI sui, in æternum non divellendus, inhaeret, & devictò mortis terrore ac impetu cum omnibus Electis magnificè triumphat.

Quod superest, ut ex animi ejus corpori ultimo honor exhibeatur, hortamur Studiosos Juvenes omnes & singulos, ut hora 2. pomerid. in Auditorio majori frequentes conveniant, ritum funebrem suâ præsentia unâ cum Præceptoribus condecoraturi. Officium istud cum gratitudini & reverentiæ erga S. S. Ministerium, tum humanitati & Christianæ pietati maxime convenit. Publ. propos. anno & die, ut supra.



921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

